



Broj: 05/2-50-13-348-5/14
Sarajevo, 25. 6. 2014. godine

Z A P I S N I K

5. sjednice Odbora za žalbe građana na rad policijskih službenika u policijskim tijelima Bosne i Hercegovine

Sjednica je održana 25.6.2014., s početkom u 11 sati.

Prisutni članovi Odbora za žalbe građana: Vjekoslav Vuković, predsjednik, Bakir Dautbašić, prvi zamjenik predsjednika, Borislav Radić, drugi zamjenik predsjednika, Semir Šut, Aleksandra Martinović i Negosava Stjepanović.

Odsutni članovi Odbora za žalbe građana: Tihomir Marinčić

Ostali prisutni: Slobodan Krstić iz Granične policije BiH, Ramiz Škulj iz Državne agencije za istrage i zaštitu (SIPA), Alma Tajić-Kurto, sekretar Odbora za žalbe građana, i Zoran Brkić iz Sektora za odnose s javnošću u Sekretarijatu Parlamentarne skupštine BiH.

Sjednicu je sazvao i njome predsjedavao Vjekoslav Vuković, predsjednik Odbora za žalbe građana.

Za sjednicu je predložen sljedeći

D N E V N I R E D

1. Usvajanje Zapisnika 4. sjednice Odbora za žalbe građana Parlamentarne skupštine BiH;
2. Razmatranje žalbe broj: 05/2-50-17-1248-1/13, od 2.6.2014., i Izvještaja Državne agencije za istrage i zaštitu broj: 16-06-34-3-5772-2/13, od 28.1.2014.,
3. Razmatranje žalbi na rad policijskih službenika Granične policije BiH:
 - a) žalba broj: 05/2-50-17-227-16/14, od 6.5.2014., i Izvještaj o provedenom internom postupku Granične policije BiH, broj: 17-07-34-4-1160/14, od 10.6.2014.;
 - b) žalba broj: 05/2-50-17-227-17/14, od 6.5.2014., i Izvještaj o izvršenim preliminarnim provjerama Granične policije BiH, broj: 17-07-34-7-1104/14, od 14.5.2014.;
 - c) žalba broj: 05/2-50-17-227-20/14, od 4.6.2014., i Izvještaj o provedenom internom postupku Granične policije BiH, broj: 17-07-34-7-1431/14, od 11.6.2014.;

4. Utvrđivanje Prijedloga izmjena i dopuna Poslovnika o radu Odbora za žalbe građana na rad policijskih službenika u policijskim tijelima Bosne i Hercegovine ("Službeni glasnik BiH", broj 84/09);
5. Tekuća pitanja.

Predloženi dnevni red usvojen je jednoglasno.

Ad. 1. Usvajanje Zapisnika 4. sjednice Odbora za žalbe građana Parlamentarne skupštine BiH

Na Zapisnik 4. sjednice Odbora za žalbe građana Parlamentarne skupštine BiH nije bilo primjedbi, te je usvojen jednoglasno.

Također, u okviru ove tačke dnevnog reda Vjekoslav Vuković, Bakir Dautbašić, Aleksandra Martinović i Semir Šut usvojili su Zapisnik 3. sjednice bez primjedbi.

Naime, imenovani su, s obzirom da imaju dozvolu za pristup tajnim podacima, prisustvovali 3. sjednici Odbora na kojoj su razmatrani predmeti označeni određenim stepenom tajnosti.

Ad. 2. Razmatranje žalbe broj: 05/2-50-17-1248-1/13, od 2.6.2014., i Izvještaja Državne agencije za istrage i zaštitu broj: 16-06-34-3-5772-2/13, od 28.1.2014.

Izvjestioci po ovom predmetu bili su Borislav Radić i Aleksandra Martinović.

Borislav Radić ukratko je izložio činjenice koje su sadržane u spisu, naglasivši da je o ovom predmetu Odbor za žalbe građana u prethodnom sazivu već raspravljao i da je tom prilikom usvojen Izvještaj o istrazi Državne agencije za istrage i zaštitu.

Izvještaj o internom postupku Državne agencije za istrage i zaštitu koji se odnosi na prvu žalbu prezentirao je Ramiz Škulj, pri čemu je istakao da u cijelosti ostaje pri navodima iz Izvještaja.

Vjekoslav Vuković pojasnio je da je ovaj predmet uvršten u dnevni red zato što je podnosilac žalbe 2.6.2014. dostavio dopunu svoje žalbe, o čemu se ovaj odbor mora očitovati.

Aleksandra Martinović istakla je da u dopuni žalbe podnosilac nije naveo nove činjenice i dokaze koje bi bile osnov za otvaranje nove istrage.

Nakon rasprave, Odbor za žalbe građana Parlamentarne skupštine BiH jednoglasno je usvojio sljedeći

ZAKLJUČAK

S obzirom da je Odbor za žalbe građana Parlamentarne skupštine BiH u prethodnom sazivu jednoglasno usvojio Izvještaj o internoj istrazi Državne agencije za istrage i zaštitu broj: 05/2-50-17-1248/13, od 28.1.2014., a da podnosilac žalbe u njoj dopuni broj: 05/2-50-17-1248-1/13, od 2.6.2014., nije naveo nove činjenice i dokaze koje bi bile relevantne za ponovno razmatranje cijelog predmeta, te koje bi upućivale na drugačije zaključke u odnosu na ranije donesene, odlučeno je da se istraga po ovom predmetu više neće provoditi.

Naime, u Izvještaju je navedeno:

Prema važećim zakonskim propisima, Odjeljenje za unutrašnju kontrolu nije u mogućnosti preduzimati daljnje mjere na utvrđivanju eventualne disciplinske odgovornosti protiv policijskih službenika koji su radili na predmetu A. P., zbog apsolutne zastare događaja. Članom 23. stav (1) tačke 1. Pravilnika o disciplinskoj odgovornosti policijskih službenika predviđeno je da "vođenje disciplinskog postupka zbog teže povrede službene dužnosti zastarijeva u roku od šest mjeseci od dana saznanja za izvršenu povredu i počinioca, a najduže u roku od jedne godine od dana izvršene povrede.

Ovaj zaključak bit će dostavljen podnosiocu žalbe i Državnoj agenciji za istrage i zaštitu.

Ovaj zaključak je konačan i na njega nije moguće izjaviti žalbu.

Ad. 3. Razmatranje žalbi na rad policijskih službenika Granične policije BiH:

- a) *žalba broj: 05/2-50-17-227-16/14, od 6.5.2014., i Izvještaj o provedenom internom postupku Granične policije BiH, broj: 17-07-34-4-1160/14, od 10.6.2014.;*
- b) *žalba broj: 05/2-50-17-227-17/14, od 6.5.2014., i Izvještaj o izvršenim preliminarnim provjerama Granične policije BiH, broj: 17-07-34-7-1104/14, od 14.5.2014.;*
- c) *žalba broj: 05/2-50-17-227-20/14, od 4.6.2014., i Izvještaj o provedenom internom postupku Granične policije BiH, broj: 17-07-34-7-1431/14, od 11.6.2014.*

U okviru ove tačke dnevnog reda Odbor za žalbe građana razmatrao je tri žalbe na rad policijskih službenika u Graničnoj policiji BiH i izvještaje o preeliminarnim provjerama po žalbama Ureda za profesionalne standarde i unutrašnju kontrolu Granične policije BiH, i to:

- a) *žalba broj: 05/2-50-17-227-16/14, od 6.5.2014., i Izvještaj o provedenom internom postupku Granične policije BiH, broj: 17-07-34-4-1160/14, od 10.6.2014.*

Izvjestilac po ovom predmetu bio je Bakir Dautbašić koji je ukratko izložio činjenice koje su sadržane u spisu.

Izvještaj o provedenom internom postupku Granične policije BiH, broj: 17-07-34-4-1160/14, od 10.6.2014., prezentirao je Slobodan Krstić pri čemu je istakao da Granična policija BiH u

cijelosti ostaje pri Izvještaju i činjenicama utvrđenim u njemu. Upoznao je prisutne s činjenicom da je, na osnovu prijedloga iz Izvještaja, disciplinska komisija donijela odluku o pokretanju disciplinskog postupka protiv odgovornih lica.

Na prijedlog Bakira Dautbašića, Odbor za žalbe građana jednoglasno je usvojio Izvještaj o provedenom internom postupku Granične policije BiH, uz obavezu Granične policije BiH da Odbor izvijesti o rezultatima okončanog disciplinskog postupka.

b) žalba broj: 05/2-50-17-227-17/14, od 6.5.2014., i Izvještaj o izvršenim preliminarnim provjerama Granične policije BiH, broj: 17-07-34-7-1104/14, od 14.5.2014.

Izvjestilac po ovom predmetu bio je Semir Šut koji je ukratko izložio činjenice koje su sadržane u spisu, i pošto se radi o anonimnoj prijavi protiv anonimnog počinioca, predložio je da se Izvještaj o preliminarnim provjerama Granične policije BiH, broj: 17-07-34-7-1104/14, od 14.5.2014., u cijelosti usvoji.

Izvještaj je prezentirao Slobodan Krstić pri čemu je istakao da Granična policija BiH u cijelosti ostaje pri Izvještaju i činjenicama utvrđenim u njemu.

Odbor za žalbe građana jednoglasno je usvojio Izvještaj o provedenom internom postupku Granične policije BiH.

c) žalba broj: 05/2-50-17-227-20/14, od 4.6.2014., i Izvještaj o provedenom internom postupku Granične policije BiH, broj: 17-07-34-7-1431/14, od 11.6.2014.

Izvjestilac po ovom predmetu bio je Vjekoslav Vuković koji je iznio činjenice iz spisa i ujedno pohvalio Izvještaj o preliminarnim provjerama Granične policije BiH.

Izvještaj je prezentirao Slobodan Krstić pri čemu je istakao da Granična policija BiH u cijelosti ostaje pri Izvještaju i činjenicama utvrđenim u njemu.

Nakon provedene rasprave o ovoj tački dnevnog reda, Odbor je pohvalio rad Ureda za profesionalne standarde i unutrašnju kontrolu Granične policije BiH, koji je pokazao visok stepen profesionalnosti i nultu stopu tolerancije prema korupciji u predmetu koji je vođen protiv stranog državljanina, kome je protuzakonito naplaćeno putničko osiguranje uz prijetnju zabrane ulaska u Bosnu i Hercegovinu. Naime, rad Ureda u vezi s ovim pitanjem okončan je pokretanjem disciplinskih postupaka protiv dva pripadnika Granične policije BiH i pokretanjem krivičnog postupka protiv jednog službenika Uprave za indirektno oporezivanje BiH.

Također, Odbor za žalbe građana jednoglasno je usvojio Izvještaj o provedenom internom postupku Granične policije BiH, te zatražio da Granična policija BiH izvijesti Odbor o rezultatima okončanog disciplinskog postupka.

Ad. 4. Utvrđivanje Prijedloga izmjena i dopuna Poslovnika o radu Odbora za žalbe građana na rad policijskih službenika u policijskim tijelima Bosne i Hercegovine Hercegovine ("Službeni glasnik BiH", broj 84/09)

U okviru ove tačke dnevnog reda Odbor za žalbe građana Parlamentarne skupštine BiH utvrdio je sljedeći

**PRIJEDLOG POSLOVNIKA O IZMJENAMA I DOPUNAMA POSLOVNIKA
O RADU ODBORA ZA ŽALBE GRAĐANA NA RAD POLICIJSKIH SLUŽBENIKA
U POLICIJSKIM TIJELIMA BOSNE I HERCEGOVINE**

Član 1.

U članu 4. Poslovnika o radu Odbora za žalbe građana na rad policijskih službenika u policijskim tijelima Bosne i Hercegovine ("Službeni glasnik BiH", broj 84/09) dodaje se novi stav (3) koji glasi:

"(3) Odbor može, s ciljem unapređenja svog rada, ostvariti saradnju s vladinim, nevladinim, domaćim i međunarodnim organizacijama“.

Član 2.

U članu 10. dodaje se novi stav (6) koji glasi:

"(6) Član Odbora koji je izdvojio mišljenje ima pravo zatražiti da se bitni dijelovi njegove izjave unesu u zapisnik“.

Član 3.

Iza člana 10. dodaje se novi član 10a. koji glasi:

"Član 10a.

(Odluke Odbora)

(1) U provođenju svojih nadležnosti i postupajući po žalbama, Odbor može donositi odluke, preporuke i zaključke.

(2) Akti iz stava (1) ovog člana dostavljaju se nadležnom policijskom tijelu Bosne i Hercegovine i stranci po čijoj se žalbi vodio postupak“.

Član 4.

U članu 11. dodaju se novi st. (4) i (5) koji glase:

"(4) Odbor razmatra žalbe koje se odnose na događaje koji su nastupili najkasnije šest mjeseci prije dana podnošenja žalbe.

(5) Ako podnosilac žalbe u toku postupka od nje odustane, Odbor može na vlastitu inicijativu nastaviti postupanje u predmetu".

Član 5.

Iza člana 11. dodaje se novi član 11a. koji glasi:

"Član 11a.

(Prikupljanje informacija)

Radi utvrđivanja činjeničnog stanja u postupku po žalbama, neophodne informacije i druge podatke Odbor može pribaviti od podnosioca žalbe, drugih fizičkih i pravnih lica koji njima raspolažu, a koji mogu biti od važnosti za predmetni slučaj, odnosno od nadležnih institucija koje vode službene evidencije."

Član 6.

Poslovnik o izmjenama i dopunama Poslovnika o radu Odbora za žalbe građana na rad policijskih službenika u policijskim tijelima Bosne i Hercegovine stupa na snagu osam dana od dana objavljivanja u "Službenom glasniku BiH".

Ad. 4. Tekuća pitanja

U skladu s ranijim dogovorima, članovi Odbora usaglasili su se da se posjeta Direkciji za koordinaciju policijskih tijela organizira 8., 9. ili 10.7.2014. godine. Zadužuje se sekretar Odbora da s Kabinetom direktora Direkcije dogovori konačan termin posjete.

Sjednica je završena u 12 sati.

Sekretar
Odbora za žalbe građana
Alma Tajić-Kurto

Predsjednik
Odbora za žalbe građana
Vjekoslav Vuković